

Ондин хамдан

Тавн наснд күрч йовх намаг, ода күртл зәрмнь үүрин шог кедж, «комсомолец» гидж нерәднә. Теричи зөв. Элдж кәдлмш кеснәсн нааран би, багъчудас салл уга, хамдан йовнав: түрүләд эврән багъ наста комсомолец биләв, хөөнъ багъчуд гарддг болв.

Мини комсомолд орсм одахн болдж медгднә. Болв, терүнәс нааран гуч шаху джил болдж одв. Тиигхд мана орн-нутг маши кедг эврә промышленность уга билә. Комсомолин мана ячейж баячудиг уга келгънд, колхоз тосхлгънд, бичг медг уга улст бичг дасхлгъна кәдлмшт болн социалистическ обществ тосхлгъна нань чигн кесг кәдлмшт шунмгъагъар орлцдж йовцхала. Комсомолк күүкд тиигхд гегән-герлин кәдлмшиг «Красная кибитка» гидг хотлудар бәрсн хальмг гермүдт кедг билә. Төрскән харсгч дәәнә өмн Хальмг АССР-н комсомольцнр бас нүүрлгч болдж йовцхала. Хальмг тосхлтин трестин комсомольцнр кәдлмшән шунмгъагъар кедж йовцхала. Тиигхд комсомольцнрин «Гиигн кавалерий», магазин, гүүлгәнә, хот уудг герин болн нань чигн олт-зүсн кәдлмш шүүддж хәләдг бригадт орлцдж, цаган толл уга кәд-

лдг билә. 1938—1939 джилмүдт намаг комсомолин Элст балгъсна комитетин сегләтр болдж кәдлджәхд, комсомольцнр партин нөкд болад, үнн седклән тәвәд, олт амтн дунд цәәлгъврин кәдлмш кедж йовцхала.

1941—45 джилмүдт болсн Төрскән харсгч дәәнд мана комсомольцнр бас түрүн болдж зөрктәгъяр Төрскән харсгч дәәллдцхәв. Герт үлдсн комсомольцнр «олн, амтнә ополченд» орлцад, бу-селм дасад, Төрскән харсхар белдцхәв. Багъчуд комсомолд дәәнә түрүн өдрәснә авн орад, партин болн правительствин кегддж йовх төрмүдт цаг, чидлән нөлт уга шунмгъагъар орлцдж йовцхав. Ода болхла мана Элстин ясврин-тосхлтин конторин кәдләчнрин ик зунь—багъчуд. Эдн цугъар кәдлмшән зурагъасн давулдж кехәр, долан джилә зурагъан болзгаснә урд күцәхәр, асхндн сургъулян сәәнәр сурхар шундж йовцхана. Гучн джилин туршарт коммунизм тосхлгъна кәдлмшт бас демән күргхәр комсомолта хамдан кәдлдж йовнав.

В. БОГАТЫРЕВ.

Элст балгъсна ясврин-тосхлтин конторин директор.

Сәәнәр кәдлий, сәәнәр амрий

Элстин телеграф ода ик орудта бәәнә. Мана олт амтн, Ленинск комсомолин 41-ч өөнлә болн Алдр Октябрин 42-ч өөнлә нег-негидән байрин йөрәлин сунгъг йир олар цокджацхана.

Олт амтнлә хамдан байрлдж, кесн кәдлмшән цагтн күцәхәр бидн, Элст балгъсна залгълдана конторин комсомольцнр, шундж кәдлджәнәвдн. Деникина Л., Донченко А., Баркабинова А., Калюжная Г. болн нань чигн комсомольцнр кәдлмшән олт багъчудт үлгүр болмар кедж йовцхана. Мана комсомольск организацин 44 комсомольцнрас өрәлнә медрлән өөдлүлхәр, сургъуль сурч йовна. Власова Р., Ростенко Т., Филиппова Л., Цеденова З., Мукинова К. залгълдана электротехникумд заочн сурчана. Кесг комсомольцнр асхн сурдг кәдлмшч багъчудин школд сурцхана.

Одахн, «Мана бәәдл-джиргълиг, туульд келгдг әдл, сәәхнәр кехәр бәәх улсвдн» гидж комсомольск хурган нерәддж кеввдн. Комсомольцнр наукин болн техникин, космическ ракетин тускар келцхәв, тер өдр эрсин газет гаргъвдн. Ода тер хургин дутудундин чиклдж, хөөтк хурган сәәнәр, соньнар кехәр белдджәнәвдн.

Элстин културин гертә хамдан нәр-наад гаргъдг «ружокд орлцад, композитор Дунаевскийд нерәддж нәр кехәр бәәнәвдн. Цугъар хамдан очшин кинофильм хәләнәвдн. Г. Николаеван «Битва в пути» гидг дегтр умшад, диспут кехәр белдджәнәвдн.

Мана комсомольцнр сәәнәр кәдлмшән кехәр, соньнар амрхар шин эваргъ хәәдджәнә.

П. МАЛИЕВА.

Элст балгъсна залгълдана конторин комсомольск организацин сәгләтр.